

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**OPĆINA SAPNA**  
**Općinski načelnik**

Broj: 01-19-377/25

Datum, 12.02.2025.godine

Na osnovu Ugovora o korištenju grand sredstava br.01-11-2129/24 od 26.12.2024. godine, potpisanog između Općine Sapna i Ministarstva za ljudska prava i izbjeglice BiH, na projektu „Stambeno zbrinjavanje Roma u općini Sapna“ Uputstva o vrsti pomoći, kriterijima, načinu dodjele pomoći i odabira korisnika projekata stambenog zbrinjavanja Roma u BiH koje je donio ministar za ljudska prava i izbjeglice Bosne i Hercegovine („Službeni glasnik BiH br.74/24) i na osnovu člana 41. Statuta općine Sapna („Službeni glasnik općine Sapna, broj 6/07, 8/09 i 3/12), Općinski načelnik općine Sapna, raspisuje

**JAVNI POZIV**  
**ZA ODABIR KORISNIKA PROJEKTA POMOĆI ZA**  
**STAMBENO ZBRINJAVANJE ROMA U OPĆINI SAPNA**

Pomoć za stambeno zbrinjavanje Roma dodjeljuje se u okviru implementacije Projekta za stambeno zbrinjavanje Roma na području općine Sapna iz 2024. godine, a u vezi sa realizacijom Akcionog plana za rješavanje problema Roma iz oblasti stambenog zbrinjavanja.

Ukupna vrijednost Projekta za stambeno zbrinjavanje Roma iznosi 105.000,00 KM, koji se finansira sredstvima Ministarstva za ljudska prava i izbjeglice BiH u iznosu od 100.000,00 KM, i uz učešće općine Sapna u iznosu od 5.000,00 KM, i ista će biti upotrijebljena za izgradnju 2 (dva) stambena objekta za romsku porodicu na lokalitetu naselja Biberovići, općina Sapna, a u skladu sa Programom rješavanja stambenog problema Roma na teritoriji Općine Sapna.

**KORISNICI POMOĆI**

Pomoć se može dodijeliti romskoj porodici ili zajedničkom domaćinstvu ( u daljem tekstu – korisnici ).

Zajedničkim domaćinstvom se smatraju korisnici koji su članovi porodice i osobe sa zajedničke kućne liste sa mjestom stanovanja, odnosno prebivalištem na istoj adresi, a što dokazuju kućnom listom i CIPS prijavom za punoljetne osobe, odnosno rodnim listom za maloljetne osobe sa kućne liste.

Prijavu za dodjelu pomoći mogu podnositi nosioci romskog domaćinstva (ili njen punoljetni član) u potrebi za stambenim zbrinjavanjem koji nisu ranije koristili pomoć za sanaciju stambene jedinice dovoljnu za dovođenje stambene jedinice u minimum stambenih uslova, a nemaju stambenu jedinicu na području općine Sapna uslovnu za stanovanje.

**ODABIR KORISNIKA**

Odabir korisnika vršit će se na osnovu rangiranja po:

1. Zajedničkom osnovu
2. Posebnom osnovu

## 1. Zajednički osnovi za utvrđivanje rang liste korisnika pomoći su:

- a) Broj članova i starosna dob članova zajedničkog domaćinstva
- b) Dužina boravka u mjestu prebivališta
- c) Pripadnost ranjivim grupama osoba u stanju socijalne potrebe
- d) Pripadnost ostalim grupama osoba u nepovoljnoj socijalnoj situaciji

Ukupan broj bodova koji se može dodijeliti potencijalnom korisniku po osnovnim i posebnim kriterijima zajedno iznosi 215 bodova i to:

- a) Po osnovnim do 135 bodova,
- b) Po posebnim do 80 bodova.

Ukoliko više potencijalnih korisnika ostvaruju isti ukupan broj dodijeljenih bodova, prednost imaju korisnici koji pripadaju većem broju skupina u okviru kategorije ranjivih lica u stanju socijalne potrebe, a sledeći kriteriji je broj članova domaćinstva.

## KRITERIJ ZA BODOVANJE KORISNIKA POMOĆI ZA STAMBENO ZBRINJAVNJE ROMA U BiH MAKSIMALAN BROJ BODOVA:

Maksimalan mogući broj bodova koji se može dodijeliti korisniku iznosi ukupno **215 bodova** po svim kriterijima, i to:

- a) po osnovnim do **135** bodova i
- b) po posebnim do **80** bodova.

### A. BODOVANJE KORISNIKA PO OSNOVNOM KRITERIJU KAKO SLIJEDI:

Korisnik se boduje po osnovnim kriterijima kako slijedi:

a) Broj članova i starosna dob članova zajedničkog domaćinstva	do 60 bodova
b) Prijavljeno prebivalište	do 25 bodova
c) Korisnik socijalnog prava	do 20 bodova
d) Zdravstveni status	do 25 bodova
e) Obrazovanje	do 10 bodova

#### A.1. Bodovanje korisnika prema kriteriju pod a):

(1) Za članove i starosnu dob članova zajedničkog domaćinstva utvrđuje se do 60 bodova, i to:

a) Za svakog punoljetnog člana zajedničkog domaćinstva	5 bodova
b) Za svakog maloljetnog člana zajedničkog domaćinstva	10 bodova

(2) U slučaju da broj i starosna dob članova zajedničkog domaćinstva po osnovima iz prethodnog stava prelazi maksimalno utvrđeni broj bodova, dodatni bodovi se ne dodijeljuju.

(3) Broj i starosna dob članova zajedničkog domaćinstva dokazuje se izvodima iz matične knjige rođenih, za svakog člana zajedničkog domaćinstva sa ovjerene kućne liste sa izjavom.

### A.2. Bodovanje prema kriteriju pod b) i c):

Bodovanje se vrši na osnovu uvjerenja/potvrde o prebivalištu korisnika, nosioca domaćinstva.

### A.3. Bodovanje prema kriteriju pod d):

(1) Kada potencijalni korisnik i/ili član(ovi) zajedničkog domaćinstva pripadaju ranjivim kategorijama stanovništva kojima je uslijed posebnih okolnosti potrebna socijalna zaštita, utvrđuje se **do 20 bodova**, i to za pripadnost svakoj od sljedećih grupa pojedinačno:

a) Lica sa tjelesnim i/ili mentalnim invaliditetom/onesposobljenjem i civilna žrtva rata	<b>do 10 bodova</b>
b) Zdravstveno stanje (hronična oboljenja)	<b>do 10 bodova</b>

### A.4. Bodovanje prema kriteriju pod e):

(2) Kada potencijalni korisnik i/ili član(ovi) zajedničkog domaćinstva pripadaju ostalim kategorijama u stanju socijalne potrebe, utvrđuje se do 25 bodova, i to za pripadnost svakoj od sljedećih grupa pojedinačno:

a) Korisnici socijalnih davanja	do 15 bodova
b) Penzioneri	do 5 bodova
c) Nezaposlena lica	do 10 bodova
d) Samohrani roditelji i staraoci ili hranitelji porodice	do 5 bodova

(3) Ukoliko potencijalni korisnik i/ili član(ovi) zajedničkog domaćinstva pripadaju u više grupa iz prethodnog stava, broj bodova se dodjeljuje samo po osnovu pripadnosti u dvije od četiri pobrojane grupe.

### A.5. Bodovanje prema kriteriju pod f):

(4) Kada potencijalni korisnik i/ili član(ovi) zajedničkog domaćinstva osiguravaju redovno obrazovanje djece i kada su i sami stekli određeni stepen obrazovanja ili se nalaze u procesu sticanja određene kvalifikacije, ostvaruju **do 10 bodova** na osnovu potvrda nadležnih obrazovnih institucija.

a) Za obrazovanje djece	5 bodova
b) Za obrazovanje-sticanje kvalifikacije roditelja, odnosno staratelja	5 bodova

A.1.	A.2.	A.3.	A.4.	A.5.	
2 punoljetna 5 + 5=10 Maloljetnih 5=50	Borav.	A.3 a) i b)	A.4 a) i c)	A.5 a) i b)	
=60	=20	=20	=25	=10	<b>135</b>

## B. BODOVANJE KORISNIKA PO POSEBNOM KRITERIJU KAKO SLIJEDI:

Uslov za bodovanje po posebnim kriterijima jeste provjera uslova stanovanja korisnika putem službenih dokumenata i na osnovu uvida na licu mjesta (zapisnik sa obilaska terena nadležne Komisije).

B.1. U svrhu izgradnje nove stambene jedinice/dodjele stambene jedinice za socijalno stanovanje, potencijalni korisnik pomoći ostvaruje do 80 bodova, i to kada je:

a) u improviziranim naseljima, objektima i smještajima	<b>80 bodova</b>
b) u kolektivnim oblicima zbrinjavanja	<b>50 bodova</b>
c) u barakama	<b>40 bodova</b>
d) u alternativnom smještaju, uključujući i podstanare i korisnike koji žive u zajedničkom domaćinstvu sa roditeljima i/ili rođacima	<b>20 bodova</b>

B.2. U svrhu poboljšanja uslova stanovanja korisniku se utvrđuje do 80 bodova kada potencijalni korisnik boravi u stambenoj jedinici koja odstupa od minimuma stambenih uslova, i to:

<b>B.2.a)</b>	10 bodova za oštećenje	<b>I kategorija - manja ulaganja</b>	<b>do 15%</b>
<b>B.2.b)</b>	30 bodova za oštećenje	<b>II kategorija - znatna ulaganja</b>	<b>15-40%</b>
<b>*B.2.c)</b>	50 bodova za oštećenje	<b>III kategorija - veća ulaganja</b>	<b>40-60%</b>
<b>*B.2.d)</b>	60 bodova za oštećenje	<b>IV kategorija - obimna ulaganja</b>	<b>60-80%</b>
<b>*B.2.e)</b>	80 bodova za oštećenje	<b>V kategorija - izgradnja</b>	<b>100%</b>

## PROVJERAVANJE ISPUNJAVANJA KRITERIJA

Ispunjavanje kriterija provjerava se upoređivanjem podataka u izjavi korisnika pomoć i sa informacijama dobivenim u procesu evidentiranja potreba Roma – Baza podataka o potrebama Roma.

U izuzetnim slučajevima, evidenciju u Bazi podataka o potrebama Roma može nadomjestiti izjava dva svjedoka, ovjerena od strane nadležnog organa općine Sapna.

Pod izuzetnim slučajevima smatraju se okolnosti kada potencijalni korisnik nije evidentiran u Bazi podataka o potrebama Roma.

## **PROCEDURA ODABIRA KORISNIKA**

Odabir korisnika, odnosno izradu preliminarne rang liste vrši petočlana Komisija imenovana od strane Općinskog načelnika.

Nadzor nad radom Komisije vrši Ministarstvo za ljudska prava i izbjeglice BiH.

U okviru nadzora Ministarstvo za ljudska prava i izbjeglice BiH vrši verifikaciju rang liste i odlučuje o prigovorima na preliminarnu rang listu korisnika kao drugostepeni organ.

Pravo na prigovor imaju svi učesnici na javnom pozivu i ostala zainteresirana treća lica ukoliko postoje indicije da pojedini kandidati sa preliminarne rang liste ne ispunjavaju uslove na način kako su vrednovani u preliminarnoj rang listi.

Prigovor se putem Prvostepene komisije podnosi Ministarstvu za ljudska prava i izbjeglice BiH, u roku od 15 dana od dana javnog oglašavanja preliminarne rang liste korisnika.

Konačnu odluku u pogledu svakog prigovora donosi Ministarstvo za ljudska prava i izbjeglice BiH.

Javni poziv otvoren je 15 dana od dana objavljivanja u dnevnom listu *Oslobođenje*.

Prijave, na propisanom obrascu mogu se preuzeti na info-pultu općine, JU Centar za socijalni rad Sapna i internet stranici općine Sapna.

Prijave sa dokazima o ispunjavanju kriterija iz Javnog poziva, dostavljaju se općinskoj Komisiji putem prijemne kancelarije općine Sapna.

**Općinski načelnik**

**Zudin Mahmutović**